

Goenghaj lij coz seiz ndang cangq lumj duz vaizdaeg nei, vunz ndaw mbanj cungj naeuz danghnaeuz dabsau lawz daeuj haq hawj de guh yah, couhcinj dan baengh Goenghaj hwnj gwnz bya raemj fwnz gai, hix mbouj lau deng dungxiek.

Bihaenx, miz cungj saehcingz ndeu heuhguh gaemh bouxcoz, couh-dwg gaemh bae dangbing. Yenzlaiz mbouj gaemh vunz, dauq dwg nyaebgou, boux damengz cungj rox, haenx dwg baujjangj guh yienghceij hawj bouxwnq yawj, boux miz cienz ciengxlwenx nyaeb mbouj deng mbawceij sij miz cih “ding” haenx, hoeng bouxgungz mboujguenj dwg bouxlawz, cungj nyaeb deng mbawceij hawj vunz ga saenzdigdig. Boux nyaeb deng gou haenx mbouj nyienh bae dangbing, couh deng gaemh bae, gyaeng geij ngoenz gonq, caiq rag bae budui, boux deng rag bae haenx haujlai cungj lix mbouj raen vunz, dai mbouj raen seihaiz.

Ngoenzhaenx, mbwn bumzbdw-bwd, rumzbaek cihuhu. Baujjangj riengz geij boux hak daeuj daengz laj gorungz hung gyaеujmbanj, yaep he roq laz yaep he roq gyong, gauj ndaej ndaw mbanj luenh dangqmaz, hoeng mbouj raen miz vunz daeuj humx. Ndaek dang bing ndeu yut cungq coh gwnzmbwn nyingz geij baez, vunz ndaw mbanj cij danqheiq naiqnuek-nuek daeuj, gyoengqde hozndat dwk cimyawj gyonglaz aeu mingh boux-vunz.

“Gak boux beixnuengx, baihnaj hoenxcienq gig youqgaenj, ngoenz-neix baihgwnz ma daeuj ciu vunz bae dangbing, maqmuengh daihgya miz cienz ok cienz, miz rengz ok rengz!”

•cienlanz sawcuenh•

Goenghaj

五 爷

□ Siz Bungzcwngz / 石鹏程

Baujjangj lumh aen daeh, riuhihi dwk naeuz. Ndaek vunz lumj boux hak haenx coh vunz ndaw mbanj laeb-cingq, gingqlaex, naeuz: “Guekgya deng nanh, bouxboux cungj miz cwzyin! Souh baihgwnz minghlingh, ngoenzneix gou daeuj mbanj raeuz ciu bing, maqmuengh daihgya roengzrengz cihciz!”

Gyoengqvunz caemlwglwg, ciep-dwk couh miz vunz gangj lo. Miz vunz naeuz, bibi ciu bing, bae le mbouj raen miz geij boux dauqma! Miz vunz naeuz, bae dangbing youh mbouj dwg bae hoenx bingcaeg Yizbwnj, dauq dwg bae “gyaep caeghoengz”, vunz swheij hoenx vunz swheij, dub dai cungj mbouj bae! Miz vunz naeuz, mbouj bae, ndaej lwi? Mbouj ndaej ha!

Yenznaeuz gangj, lij ciuq banh-fap gaeuq, nyaebgou. Mbouj doengz dwg, bineix lwgdog gien cienz mbouj yungh nyaeb. Goenghaj dwg lwgdog, hoeng ndaw ranz gig gungz, mbouj miz cienz hawj baujjangj, couh deng nyaebgou lo.

Baizdoi h nyaebgou. Cijraen Goenghaj fwngz gvaz gaem aen ceijduenz ndeu, menhmenh mbe hai, aen cih “ding” ingj haeuj najda gyoengqvunz, seizhaenx daxboh Goenghaj gyad naengh youq gwnz dieg

mbouj baenz vunz lo, daxmeh Goenghaj gvih youq boux hak baihnaj, daej dai daej lix, cuengq sing dwk naeuz: “Bouxhak ha, mwngz guh saeh ndei ha! Dou couh daeglwg neix ndwi, lij maqmuengh de daeuj ciengx dou ha! Mwngz couh langh de ba!”

Cijraen boux hak ndeu baez vad fwngz, boux bing ndeu gaem fagcax hung ndeu ndwn youq laj gofaex, boux hak naeuz: “Mbouj bae dangbing hix ndaej, hoeng deng raemj lwgfwngzyinx baihgvas bae!” Sing’ yaem mbouj hung, hoeng hawj vunz baez nyi gig siengsim.

Gyoengqvunz cungj fatok gij sing’ yaem cici, cungj yawj Goenghaj. Goenghaj naeuz: “Cungcig caeuq hauq-swnh song cungj neix nanz ndaej caezcienz, hoeng seizneix aen cungcig neix mbouj aeu cixbah.” Ndaek hak naeuz: “Yienghneix mwngz couh guh boux vunzfeiq ba.”

Goenghaj iet fwngzgvaz okbae, dawz lwgfwngzyinx cuengq youq gwnz heng, naj mbouj bienq saek di naeuz: “Daeuj ba!”

“Dangh!” Fagcax baez raemj, lwgfwngz mbin deuz lo, gij lwed sinz seiqhenz, Goenghaj nyaenx gij in, haeb heuj yiengi gyaggyag dwk, saemxsaemx saxes byaij bae geij

yamq, ngunh laemx youq gwnz dieg. Ngoenzhaenx, daegmbauq ndaw mbanj deng gaemh bae cibgeij boux, cijmiz Goenghaj mbouj deng. Vunz ndaw mbanj cungj daejsasa, bouxhak caeuq baujjangj muenxeiq dwk byaij deuz lo.

Baezlaeng, Goenghaj hwnj bya dwk nyaen raemj fwnz, hauqswnh bohme h.

Cinjbi gaijfang bihaenx, miz aen duivuj gwed mbaw geiz gwnzde miz fagliemz caeuq fagfouj byaij gvaq mbanj raeuz, gyoengqde hoenx dujhauz, faen nazleih, youq gwnz ciengz sij “Hoenx baih fanjdungbai, aeu gwzming guh daengz daej!” Ndaw mbanj nauhyied ndaej lumj gvaq ndwencieng nei.

“Bouxhak, sou gou ba! Gou siengj riengz sou bae nauh gwzming!” Goenghaj gaem fwngz boux bing ndeu couh naeuz. Boux bing naeuz: “Mbouj ndaej, ginhdui dou mbouj aeu bouxndangcanz, gangjnaeuz mwngz dwg boux lwgdog dem.” “Gou miz rengz, gou nyingz cungq mbouj ndaej, hoeng gou ndaej bang sou cawj ngaiz gwed lwgmax!” Gij vah Goenghaj gig miz rengz.

“Doengzdoi h, budui dou miz gijliz, lwgdog mbouj ndaej daeuj dangbing!” Budui lingj dauj naeuz. Goenghaj naeuz: “Guekgya miz nanh, bouxboux miz cwzyin!” Doeklaeng, lingj dauj gaem fwngz Goenghaj maenh dwk naeuz: “Mwngz ha, couh ndeindei youq ndaw ranz hauqswnh bohme h ba!” Gvaengzda Goenghaj dumz lo.

Duivuj haidin seiz, Goenghaj ciep gvaq gouh haizbaengz daxmeh ngamq nyib, riengz laeng duivuj, gyaеuj hix mbouj ngeux byaij bae lo.

Cojlan Cingz Naek

祖 孙 情 深

□ Caiz Fanghdingz / 翟芳婷

Ngoenzlwenz Siujganh yawj gou cau j byaek hawj daxgoeng, sawqmwh naeuz “Gou roxnyinh mwngz seizneix dwg youq boizcaiq” coenz vah neix. Gou nyengh le yaep ndeu, cam, vih gijmaz ne? De naeuz, doenghbaez daj hagdangz dauqma ranz, cungj dwg daxgoeng daxbuz cawj haeux byaek hawj sou, seizneix gyoengqde geq lo, vuenh daengz sou lo. Gou damz le gaemz heiq ndeu, ndawsim soemjsatsat, yaep lwgda yawj dwk denhvahbanj, gou dauqfanj maqmuengh ndaej yienghneix guh, hoeng, seizneix gaenq miz boux ndeu mbouj youq seiqvunz lo, gou siengj boiz, de hix mbouj ndaej daeuj gwn gij haeux byaek neix lo.

Seiziq, riuzaet youq aen nungzcangz gvangq-langh Gvangjdungh haenx, gyoengq doi h mwhhaenx, cij raen Siujganh ceiq lai, gizyawz, caen dwg gag vunz gag dieg, mbouj miz saek di siusik lo. Geiqndaej baez daih’ it raen daxgoeng daxbuz, dwg youq ndaw aen ranz gaeuq laepamq, mwhhaenx gyoengqde 60 lai bi. Daxbuz riuho h, maeq dwk lwgda, daxgoeng angqvauvau, mbe dwk gij gokbak mbeuj haenx. Youq henz feizgiengz, gyoengqde naeuz: “Ahgez, dauqma la?” Coenz vah neix daj mwhhaenx hwnj couh buenxriengz gou ndaej cibgeij bi.

Mwh lij iq, ndaw naz mbouj dwk ywgajnon, duzgoep dauqcawq luenh diuq. Seizcin, fiengz haeuxnaz cug baenz yienghyenzcuih aen dem aen

laeb youq ndaw naz, deihdwddwd. Daxgoeng baez bae cae naz, cungj daiq diuz faex youh saeq youh raez ndeu bae, senj nyangjiengz bae, riengjvaiq dwk gaemdawz duz dem duz goep luenzlumlum haenx, roix baenz roix. Caj daengz mbwn yaek laep roengzdaeuj seiz, gwed fag cae yien duzvaz, riu j roix goepbiz ndeu, doq byaij doq eufwen baema ranz. Mwhhaenx, cawj byaekhau gig noix ndaej cuengq youz, nohmou hix gig noix ndaej gwn, haeuxbieg cij gwn ndaej saek buenq bi lai, cujau dwg gwn haeuxyangz gyaux miz mbameg haenx. Duix iq noh duzgoep ndeu, couhdwg gij byaek feih dangqmaz lo. Hoeng moix daengz miz nohgoep seiz, daxgoeng cungj dwg riunyumnyum, dawz gij nohgoep faen baenz song faenh, cienzbouh aeu hawj song beixnuengx dou, yawj dou gwnguk, lij nai dou naeuz, daxgoeng daxbuz cungj gwn mbwq lo. Cigdaengz doeklaeng, gyoengqde bi’ ndwen engq geq lo, daengz donq haeux seiz ciuqyiengh lij sibgvenq dwk gangj “Daxgoeng daxbuz gwn mbwq lo” coenz vah neix, gou cij roxnyinh daengz, yenzlaiz gij doxgaiq ndei gwn, daxgoeng daxbuz cungj “gwn mbwq” lo, couhcinj dwg gyoengqde lij caengz ndaej cimz gvaq……

It, ngeih nienzgaep seiz dwg youq bakmbanj aen hagdangz iq haenx doegsaw, doegcaeux baez liux couh sikhaek buet ma ranz, daj henz feizgiengz hung coemh mokmou haenx gaeu gvaq gij maenz daxbuz gangq ndei haenx, youh buet bae gyausiz, dangqguh ngaizromh. Hoeng daxbuz youq mbwn ngamq wenjrongh seiz couh hwnqcong z coemh feiz lo, aen mbwn mwhhaenx, youq ndaw yinsieng cungj dwg mokfoenfoen, gyuemplumx dwk gij lwgndae longz mwi haenx, yawj mbouj raen bya gyae, yawj mbouj cingcuj faex gyawj. Geiq ndaej dan miz geij baez dwg daxgoeng coemh feiz, dwg aenvih daxbuz bingh lo. Mwhhaenx lij caengz miz dien h, banhaemh



Lungzswng vagut hai henjrwkrwk.

gyoengqde diemjdawz daengyouzhaeu, caez ronq byaek, caez cawj byaek, yiengi “gvangdang gvangdang”, boiqhab le geijcib bi, cang rim le gij fwen ndwenngoenz, gij cezcou soengswt ronghsag, gij sing’ yaem ronq byaekmou caeuq iensei haenx, yiengcaca, ciuznganga, lumjbaenz roegenq ciuz, lumjbaenz cingzvah maengxangq, ciuhvunz saedceij sinhoj, hoeng vuenyungz dangqmaz. Youq song cungj sing’ yaem mbouj miz saek di doxdoengz ndawde, gou bungqdeng yinhyoz, hix gyaеz hwnj gij yinhyoz goksadsad neix, hoeng cix mbouj miz banh-fap ciengq okdaeuj, aenvih mwhhaenx gou lij oi q lai. Seizneix roxnyinh di, hoeng gyoengqde gaenq youq ndaw ndwenngoenz menhmenh geq bae geq bae……